


救偏瑣言 二



救偏瑣言卷之四

放點症治準

痘未見點豫卜其為吉為凶惟於神情症象而求之
脈理而察之然非極美極惡者未易鏡其將來也放
點則有形可察有色可詳順逆險三途昭然而覩矣
蓋形成於氣色根乎血氣正則拘領其毒毒有所拘
痘雖密而得定其位不糝糊不細碎顆粒分明而腳
必周淨毒有所領毒易達于外痘雖密頂綻矢而囊
蒼老此氣得其正而形其無間也血正則榮載其毒

毒有所載症雖密而能安其位根有盤助囊厚其藏
而饒涵毒受其榮症不燥瀋形雖密淡而不白紅
而不嬌此血得其正而色其無咎也反此則氣血反
受毒制可知有表裡俱虛而出不快者有表裡俱實
而毒壅滯者有氣血虛餒皮薄而皮白者有毒火熾
盛形惡而色惡者千形萬態總由此出詳別證治於
後

放點於熱三日後身涼神爽顆粒鬆朗淡紅蒼老其
餘可知為順不必服藥

放點熱不一日烈熱乾炮帶火而出不論稀密色一
紫艷或焮紅其他可知此梟毒烈火及早圖之不
致日後內潰急以攻毒清火帶清肌透發不可以
初見而翫忽也

放點有身不見熱神情困倦偶因四旁痘氣相感而
出見痘色淡皮薄此腠裡不密肌肉不固不能納
束而然也不宜疏散防日後有痒塌之患以調中
湯主之

放點先因吐瀉困倦頭溫足冷適感時行出色淡

囊薄而渣滯不起者此氣滯不振不能透發宜以

升發中即兼固本免日後有倒陷之患

放點有熱如火熾紫艷焮紅神情躁亂累日不鬆而不起者急宜攻毒涼血清火疏肌以透之

放點有僅數粒色不甚紅亦有清白身體溫和神情

清爽不語者目之為順不知其囊窠累日不見粗

壯痘色不見光肥浮沉其間名為等伴痘先見數

點者報痘也四五日後身必忽然大熱神即昏憤

大隊梟毒一時湧出其痘稠密紫黯大都不起明

者即與挑破吮鬆其毒以藥胭脂貼之內服猪尾
膏通天散活血疏通末勢猖狂法必蕩滌庶可救
放點有毒火雄烈氣血不能約束一齊湧出火熱如
焚急宜攻毒涼血清火

放點熱猶火灼乾燥如烟神情躁亂不論稀稠急宜
攻毒涼血清肌散火緩則毒即內攻無及矣

放點痘色乾滯紫紅身宜壯熱而反涼者以毒火過
鬱於內非真涼也急宜散火疏肌活血透發俟火
透而後清涼不宜遽與清火

放點三疔甚稀疎却間蚤癩或間紫般有若紫背浮洋

或犯貫珠堆簇神情愁悶及諸黯痛楚之類多因

惡毒盤據於內表裡故不相符不可因其稀而致

忽也即當攻其伏毒鬆肌活血

放點有唇烈焮腫甚有焦黑如煤或口中穢氣不堪

或舌起芒刺此毒火犯胃急宜重以清火涼血解

毒重必攻之

放點皮毛刺痛衣衾苦動此毒壅于肺急宜重以攻

毒鬆肌透發失治至行漿時膿根不起必至燥痒

而斃

放點筋抽脈惕叫喊不已者此伏毒在所宜疏肝毒
重必宜攻有咬牙者亦如之

放點譫語狂煩如見鬼祟此毒火迷心宜涼血清火
兼之身熱如烙或諸般痛楚者尤宜攻毒

放點骨節煩疼更有腰如被杖此毒在于腎大都
起攻毒刻不容緩

放點睛毛倒豎目胞下有血絲如線絆於其處或腹
痛不已身熱如火肢冷如冰此毒伏于脾急宜攻

毒兼清肌透發

放點小水有如醃魚汁有鮮血如紅花膏此毒火下

注小腸急宜攻毒涼血鼻衄成流者亦然

放點大便欲解不解或解時疾首蹙額所解如漆如

膠有若瘀血有若羊糞者此毒注大腸急宜攻毒

因勢而利導之

放點大便暴注如傾有鮮純清水而躁亂者此火擾

大腸宜分理涼大腸五臟伏火伏毒惟下利稍輕

以大腸為傳送之地雖壅滯艱寒終得因勢利導

放點顆粒稀疎囊窠飽滿而色有礬紅有紫艷有晦
色此毒火在於血分也宜解血分之毒清血中之

火

放點有歸附甚厚而囊窠不鬆或平或陷此血至而
氣不至也宜寬氣道鬆肌疏達兼他症凶暴者必

下之

放點有鄂殼圓滿而盤助乾滯此氣至而血不至也
宜清滌活血兼他症猖狂者必攻之

放點有外感未愈或風或寒或風熱或輕或重有累

日不起有起而不快此為表實審其何邪而疏解
之令毒有出路

致點有飲食未消中宮沮塞口中暖腐酸臭腹內飽
悶瘧出不快者是為裡實急宜消化令得宣暢放
點證治之大畧也由此而推之其餘可概矣

稀有內症

瘧欲其稀稀則毒輕不知稀而有內症非真稀也透
於外其毒則為瘧藏於中其毒則見症或躁亂或痛
楚或乾嘔或昏迷或失血或叫喊或洞瀉或艱塞或

大渴不已或脈惕筋抽或咬牙弄舌內症甚多類此
是也無論氣血不足即使有餘亦為毒所錮閉而陷
於無用於囊窠不能鬆綻痘色不能紅活非血鬱而
白即乾紅而滯或紫艷或深紅或間斑點唇黑如煤
頂黯如燂非壯熱如炮即身涼而躁痘即可以數紀
亦何貴其稀也儘有頂綻如珠光明潤澤一犯內症
便非真稀明者燭其故隨其症之所至或宜疏或宜
達或宜清火或宜攻毒或宜破瘀或宜透發乘毒未
張大及早圖之容可保全生命矣

總 外稀尤貴內安和 內不安和稀用何

訣 重必內攻輕內擾 蚤圖猶得幸無疴

附一忽視之戒

逢仲老先生先朝時有一公即瘧止八十三顆道
中始事者以瘧甚稀僅以輕緩之劑按日期規則
以治之十六朝咸以為功成矣延至廿六朝逢老
意中未能釋然予適雉城歸邀予往視但見兩目
纒裡如臨白及乾嘔不止愁楚非常陰囊兩傍俱
有一小毒如桃核大隱于肌肉之下色且黑黯此

餘毒同焉者也予辭弗藥是晚即斃

又治驗

一友徐君小愛未及半週而瘡甚稀頗紅活宛然
一頃症惟身熱如火至漿後躁亂不寧霎時收斂
而紅暈嫩赤痂甚焦燥腰間與環跳處發出兩灘
如掌大板硬如石掀腫如拳其餘小疔不計其數
痛楚甚慘以必勝湯日服二劑外以胭脂調入化
毒丹貼之十朝至十六朝以一方治之疔漸起漸
退二癰潰而成膿後以忍冬解毒湯加地丁當歸

調治收功

又

一范氏女三歲痘可以數紀而且綻突如珠紅潤
可觀據症似可弗藥究其烈熱如炮晝夜叫喊不
已左目焮腫如桃以大黃生地荆芥甘菊赤芍黃
連木通地丁青皮自三朝服及十四朝始得身涼
體靜回好目亦無恙如是之症不能枚舉聊紀一
二以驗大畧云爾

密有克肥

瘡畏其密密則毒盛不知密得克肥其毒無盛而氣
血頗饒氣血雖饒而或陷害於毒亦何能透發于外
而觀其克肥今克肥則氣血不為毒害可知克肥則
氣血又得以制其毒而化毒又可知其毒雖盛何畏
焉外有熱熾如火或絳紅或紫艷或煩躁瘡雖克肥
毒亦猛烈較之深藏隱伏者被得發見于外耳又不
得概以克肥而目之也

總 毒無壅滯瘡克肥 瘡得克肥正有餘
訣 更得淡紅滋潤色 縱然稠密真躊躇

附治驗

雒城臧專老銓部明遠公之子也幼時出痘于壬戌甚密而得克肥公以稠密慶寔余日痘雖密窠粒綻突色不乾滯慮不在此所可虞者近于紫艷身體太熱耳以清熱解毒湯日進二劑五朝大解一次餘無別症未思飲食次日而漿即老紅暈嫩赤大便又三日不解恐其成火褐症謂主翁日急宜潤其大便使毒以利鬆為妙成一火褐餘毒太重矣前方重以生地滑石兩許更加黃芩藥未及